

Dissertatio prior de diagnosi vitae foetus et neogeniti / quam indultu gratiosi medicorum ordinis praeside D. Ernesto Gottlob Bose ... pro gradu doctoris defendet Christophorus Godofredus Iohn, Lipsiensis, medicinae baccalaureus A.D. XV. Mart. A.P.C.N. MDCCLXXI.

Contributors

John, Christoph Gottfried, 1742-
Bose, Ernst Gottlob, 1723-1788.
Leipzig 1771.

Publication/Creation

Lipsiae : Ex Officina Langenhemia, [1771]

Persistent URL

<https://wellcomecollection.org/works/wemn6p7s>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

30478/P 73776
3/3
DISSERTATIO PRIOR
DE
DIAGNOSI VITAE FOETVS
ET NEOGENITI

Q V A M
I N D V L T V
GRATIOSI MEDICORVM ORDINIS
P R A E S I D E
D. ERNESTO GOTTLOB BOSE

PHYSIOLOG. PROF. PVBL. ORDIN. FACVLT. MED.
ADSESS. ET APVD LIPSIENSES
POLIATRO

PRO GRADV DOCTORIS
D E F E N D E T
CHRISTOPHORVS GODOFREDVS IOHN

LIPSIENSIS
MEDICINAE BACCALAVREVS

Brüningstr.
A. D. XV. MART. A. P. C. N. MDCCLXXI.

LIPSIÆ
EX OFFICINA LANGENHEMIA.



CELSISSIMO PRINCIPI AC DOMINO

D O M I N O

M I C H A E L I

DVCI IN KLEWAN ET ZVKOW

C Z A R T O R Y S K I

SVPREMO MAGNI DVCATVS LITHVANIAE

C A N C E L L A R I O

HOMELIENSI, GEORGEBURGENSI, VSWIATENSI,

PODVSWIATENSI, KVPISCENSI

PIENIANENSI etc.

C A P I T A N E O

ORDINVM AQVILAE ALBAE ET S. ANDREAE

E Q V I T I

PRINCIPI AC DOMINO SVO

INDVLGENTISSIMO

SPECIMEN HOC INAUGVRALE

HVMILLIMO CVLTV

CONSECRAT

CHRISTOPHORVS GODOFREDVS IOHN.



§. I.

Quod medici est officium omnem in vitam ho- *Instituti ratio:*
 minis pretiosissimam conuertere attentionem,
 ea quoque exposcit, vt a primis vitae rudi-
 mentis incipiens obseruatio, quatenus tantum
 illa ex phaenomenis quibusdam dignoscitur, ad omnem eius
 vltiorem decursum directa sine intermissione continuetur.
 Haec autem varia institui potest ratione, alia nimirum est vi-
 tae contemplatio, quae ad medicum, in facienda sua arte oc-
 cupatum, et de sanitate conseruanda restituendaque sollici-
 tum, spectat, alia vero, dum in vsum fori, ex nexu discipli-
 narum cognito idem sua vtitur scientia ad diiudicandas con-
 ditiones, in quocunque stadio vitae occurrentes, quibus reus
 vel absoluatur vel inculpetur. Quum tamen non infrequen-
 ter in foro de vita foetus vel recens nati, quaestio nascatur,
 reipublicae quoque et salutis ciuium maxime intersit illius stu-
 diosior disquisitio, specimini academico aequae ac officio
 meo accommodata visa est haec curiosior peruestigatio, qua
 ex signis suis praesentia vitae aut confirmatur aut denegatur.



Siquidem ex his quasi praemissis, non obscure iudex possit instrui ad definiendam sententiam. Solet quidem tunc plerumque in foro de vita hominis dubitatio oriri, dum iam in lucem editus mortuusque infans, num vita fuerit praeditus, numque eam per violentam quandam causam accedentem amiserit, ambigitur, atque corporis delicti constituendi causa, viscerum partiumque corporis, sectione diuisarum, accurata inspectio, tanquam iudicii, inde desumendi, fundamentum adhibetur; verum quum saepe eueniat, vt ad confirmandam vitam nati omnium, etiam praegressarum, conditionum notitia opus sit physico forensi, alia in externo corpore foetus obuenant, a pariente quoque repetenda momenta, alia demum in internarum partium perlustratione posita sint, mihi ab his incipiendum esse duxi. Ex quo consequitur, ea primo loco pensitanda esse, quae sine dissectione patent, ex signis tum in corpore recens nati, tum in matre grauida et puerpera habendis colligendisque, quibus deinceps reliqua, ex interioribus per sectionem manifesta reddita adiicientur. Multorum quidem est opinio, ex respirationis organis, atque pulmonum statu vitae rationem quam optime determinari, etsi hac de re copiosissima sit controuersia, eam autem ad internorum signorum explicationem referimus. Dum itaque generalem hanc suscipimus dilucidationem, si magnis in arte viris placere nequeamus, nobis satis erit, tyronibus et ad forum sese applicaturis viam ingrediendam monstrasse. Hinc de signis, quibus vita foetus et nati discernitur, disserentes, praemissa generali vitae cognitione alia, quae in foetu vel recens nato, alia quae in matre notari merentur, figillatim exposaturi sumus.

§. II.

*Animationis
foetus terminus.*

Si hominem adultum viuentem contemplamur, tot ad vitam concurrere actiones, tamque egregiam conspirationem esse



esse obseruamus, vt vnica laesa protinus omnem reliquarum consensum intercipi videamus. Quare foetus, vt vt minimus sit, iisdem actionibus, sibi opitulantibus, viuere recte adseritur, ita quidem, vt vel pro organorum agentium perfectione, vel pro inde dependente efficacia tantum diuersitas enascatur. Interim, quod duplex homini data est substantia, mens atque corpus, illisque a se disiunctis mors etiam simul adest, non immerito in facienda continuandaque vita vtriusque huius substantiae aliquam partem esse, iure affirmari posse opinamur. Quid illud sit, quod mens confert, definire non audemus, et multum ab eorum opinione absumus, qui illam suum struere corpus statuunt ^{a)}, qui illud etiam defendere et ad abigendas illatas noxas motus, in morbis conspicios, excitare volunt. Praeter ea quoque ad scopum nostrum non spectat, quin potius ex adductis illud patere arbitramur, sine mentis corporisque coniunctione vitam hominis nec recte quidem cogitari posse, eoque confidentius, minimo foetui, ab ipso conceptionis puncto mentis coniunctionem cum corpore tribuendam esse censemus ^{b)}. Mentio facienda erat huius conditionis, quod medico forensi a non paucis obiiciatur, *animationis* quem dicunt, foetus terminus. Multum enim torfit et antiquissimis temporibus philosophos aequae ac medicos haec sententia, recentiores quoque turbauit, et caussarum patronos, ad defendendum reum, nonnunquam fauentes inuenit. Praeterimus, quae
ab

a) Contra eam opinionem multa habet HALLER Elem. Physiolog. Vol. VIII. p. 125.

b) Idem sentit ALBERTI Iurisprud. Medic. Tom. I. P. I. cap. VI. §. 3. p. 123. cum aliis. Id autem ea propter fieri autumat, vt anima fiat sui corporis artifex. Conf. D. MICH. ERN. ETTMULLER progr. de termino animationis foetus incerto. Lips. 1728. G. A. LANGGVTH de foetu ab ipsa conceptione animato. Viteb. 1742.



ab ARISTOTELE ^{c)} olim et HIPPOCRATE ^{d)} dicta sunt, quippe quae in omnium fere medicorum forensium scriptis adducuntur, quum mira in ZACCHIA ^{e)}, FIDELI ^{f)}, CANGIAMILA ^{g)} inueniantur et alii paullo post conceptum factum, tertium nempe diem alii septimum alii id demum tempus adsumendum esse velint, dum in membris foetus aliqua perfectio conspicitur, quae in eorum vel delineatione vel rudimentis consistat. Hanc vero in masculis intra dies triginta, in femellis intra quadraginta duos obseruari, in quorum dierum numero definiendo tamen vbiuis varietas, vt supra sexagesimum quemcunque foetum pro animato cum HIPPOCRATE habendum esse credat LOEWIVS ^{h)}. In quibus, si auctoritatibus, nihil efficientibus, fidem detrahimus, rationes sane nullibi deprehendimus vel veri tantum similitudinem afferentes. Diu pariter explosus est animae humanae ex traduce ortus, postquam acutorum philosophorum accurata subtilitate ex ipsius mentis natura eius simplicitas confirmata fuit. Nec, si foetus per aliquot tantum dies in vtero commoratus, increfcere deberet, sine praesentia mentis, more suo, atque ab omni reliqua humana vita discrepante, viuere deberet, vt ea propter supra a nobis adducta opinio magis corroboretur. Quodsi itaque vita minimi foetus simillima sit vitae increfcentis et nati, refutatur omnis eorum error, qui sibi persuadent, leniori eos coercendos esse poena, qui primis mensibus imperfectioris foetus, consilio et culpa abortum fecerint. Hominis enim vitam,

VIX

c) Hist. Animal. Lib. VII. cap. 4.

d) *περί ἐπταμήνου, et περί ὀκταμήνου, nec non περί φύσεως παιδίου.*

e) Quaest. medic. legal. Lib. I. Tit. II. Quaest. IX. p. 51. Lib. IX. quaest. I. p. 685.

f) De relat. medic. Lib. III. Sect. 6. cap. I. seqq.

g) FRANC. EMAN. CANGIAMILA Embryologia sacra. Venet. 1763. fol. p. 18. fqq.

h) Theatr. Medic. lurid. cap. I. §. 48. n. 6.



vix inchoatam suppressere, aequè magnum crimen esse videtur, ac illam delere, quae per aliquot iam tempus durauerit, quod spes prolis hoc facto protinus concidat. Interim inficiandum non est, hac de re admodum raro quaestionem in foro fieri atque ad medicos referri, nisi forsàn aliqua rea, se multa, ad abortum faciendum, tentasse inculpetur conuincaturque. In quo tamen casu perpendendum est, foetum minimum, immo et per aliquot menses incrementem, non infrequenter aut vteri vitio, aut aliis multis causis, hic tamen studiosius non exponendis, a sua cohaesione solui et perdi, nec non omnem ad destituendum foetum adhibitam vim parum quandoque valere, alias autem minimam eius vix praeuissam resolutionem producere. Tandem et hic signa vitae adeo sunt abscondita, vt nisi ex accedentibus quibusdam conditionibus et iudicis disquisitionibus dilucidentur, a medicis in lucem nequeant protrahi. Si vero iam maturior factus foetus vtero excutiat, de cuius vita nec dubitauit antiquitas, tunc ea quoque, quae nunc dicemus, omnia ad eum referri merentur. Nam illa incepta et continuata vita, si diuturnitatem habere debet, nouis quibusdam indiget necessitatibus.

§. III.

Quo vero pateat, vitam hominis per se diuersam reddi, eas breuiter in mentem reuocare necessum est differentias, *Vitae differentia ab aetate.* quas ipsa hominum aetas suppeditat, ex quibus, vt supra inuimus, elucescit organorum agentium et efficaciae modulum singulis inesse. Eae nimirum adulti hominis conspirantes actiones, ex omnium viscerum integritate, ossium perfecta firmitate, nutritione sufficiente, appositione adaptata deperditarum molecularum, per proprias vires paratarum, et mensura illarum virium, resistentiis adaequata pendent, quibus causis omnibus efficitur, vt in eodem statu, certe per ali-



aliquod tempus, corpus conseruetur. Sicuti autem, quam primum hae causae, aut remissius agunt, aut vires resistentis enatis aequabiliter non opponuntur, quod ingruente senectute fieri solet, vitae ratio immutatur, et vigor pristinus perit, ita e contrario in foetu incrementum sensim coacervantur momenta virium, ex addita singulis partibus successiva perfectione coagmentata. Destinavit autem certum quoddam temporis spatium foetui cuique naturae auctor, in quo perficiatur, siue formationem pulli in ovo, siue successive in utero humano foetus incrementum contemplereturⁱ⁾. Quo superato, maturitatem eius adesse dicimus. Nam, quo tenerius corpus est, et quo minus a sua distat origine, eo magis vita eius mere passiva dici meretur, quum aliunde demum accedentibus succis, ut in homine, maternis scilicet, viribusque mutuatis, nutriatur et parum de suis inquilinis addat. His itaque efficitur, ut sensim maior accedat firmitas roburque, quod tamen nondum ad vitam continuandam sufficit. Nisi enim priorum causarum, seu potentiae agentis et succurrentis, adiumentum additur, protinus pereundum est tenello foetui. Clarum id est, ex funiculi umbilicalis historia, cuius ex vena sanguis ad nutritionem faciendam aduehitur. Si enim per labefactatum eundem vel destructum, breui etiam ante partum tempore, intercipiatur liquidus huius vitalis accessus, vix non semper in inevitabile foetus coniicitur mortis periculum.

§. IV.

Vitalitatis descriptio.

Vbi itaque perfectum, quem dicunt, maturitatis terminum attigit foetus, tunc eiusmodi instructum dotibus esse observamus, quae ad vitam, sibi ipsi sufficientem, agendam satis idoneae sunt, id, quod quotidiana experientia confirmat.

i) HEBENSTREIT Anthropolog. Forens. Sect. II. cap. I. §. 10.
HALLER. Elem. Physiol. Vol. VIII. p. 421.



mat. Multa namque animalia et volatilia omnia, ex ouis prodeuntia, sic sibi viuere cognoscimus, vt alienis vix opus habeant subsidiis, in aliis vero et in homine ipso matris desiderantur succi, et lacte illius debent sustineri foetus. Nihilo autem fecius vniuersum corpus varias adhuc incompletas partes continet, iterum temporis spatio interiecto demum supplendas atque elaborandas, quod ex ossium consideratione, eorum augmento, firmitate, nexu, nec non ex viscerum non nullorum, aliarumque partium solidarum habitu mutato, docetur a dissectoribus. Neutiquam tamen haec inhaerens corpori imperfectio vitae detrimentum affert, quin, iis licet praesentibus conditionibus, recte iudicetur in foro, viuere potuisse natum, eamque adesse aptitudinem, quae vitae prorogandae inseruiat, quamque vitalitatem vocant. Contra, si ea inueniatur foetus editi conditio, quae luculenter monstret, superesse adhuc multa euoluenda, addenda et elaboranda, quibus ille egere non potest, ad necessitates vitae verae, tunc etiam de vita eius, tum in partus tempore, tum extra vterum ambigua admodum redditur sententia. Immo eius finem constanter sequi debuisse, certissime adseueratur a medico forensi. Accedunt autem his aliae adhuc causae, vt mala in vtero nutritio, grauidae morbi praegressi, iniuriae passae, similesque, de quibus in posterum dicetur, quae vitae vltioris filum abrumperere possunt, sed eae ex suis signis a medico dignoscentur. Inutilem tamen vitalium foetuum distinctionem iudicamus eam, quae a numero mensium, per quos foetus in vtero enutritus est, desumitur, et qui olim ex auctoritate HIPPOCRATIS, solebat reuerenter haberi, nolumusque recoquere eam de partu septimestri et octomestri non aequae vitali opinionem. Non enim temporis decursus, quippe qui ab ipsis etiam mulierculis saepe falso numeratur, sed corporis conditio, membrorum habitus aliaque medicum forenses instruunt, ex quibus, num aptitudo ad vi-



tam, protrahendam et iuste ducendam, adfit, iudicet. Obiici quidem nobis posset, imperfectos etiam mutilatosque foetus nonnunquam tutos in vtero vixisse atque partium reliquarum conueniens habuisse incrementum, vt in acephalis et sine cerebro natis, iis itaque non defuisse congruas vitae causas. At, qui ita sentiunt, non perpendunt, in vtero hos per matrem vixisse foetus, extra vterum autem nec per tantillum temporis punctum suam protrahere potuisse vitam, eaque propter ob deficientem ad aliam vitam dispositionem pro vitalibus eos aestimandos non esse. Monemus tandem, in eiusmodi casibus, quod nec culpa nec dolus in parientem cadit, ipsaque inspectio et aperta viuendi impossibilitas rem decernit, ream quoque a iudice absolui. Accidit autem frequentius, vt explorandus medico proponatur per partum editus infans, mater vero nesciatur, si v. c. expositus inueniatur ille, quare de accedentibus, quas diximus causis ille referre ad iudicem accurate nequeat, tunc necesse est, vt perpendat omnia in nato occurrentia phaenomena eaque rite annotet, quo, matre detecta, reliqua ex doctrinae suae fonte perquirens adiiciat, vel, vt ex fide dignis testibus, si haberi queant, certiora sciantur, iudici committat.

§. V.

*Signa vitae:
a) ex superfie
cie corporis.*

Vitalis ergo foetus secum affert aliqua indicia, ex quibus palam fit, eum etiam hanc inceptam diutius prorogare vitam posse, ni impediatur a variis, ipsi oblatis, grauibz ac vitae insidiosis impedimentis. Ex quibus indiciis itaque primo ad superficiem corporis respiciendum esse arbitramur, quippe quae oculis primum oblata est intuentium. Sed, quoniam ita corpori superinducta sunt integumenta, quae communia vocantur, vt nulla pars corporis ab ipsis non inuestiatur, ea integra inueniri opus est, nitidaque vbique et quasi expansa. Quae etenim sulcata et praeter naturam variis instructa deprehenditur rugis cutis, vt fluctuet quasi,

nec



nec cohaereat, eam iam ante partum sufficienter enutritam non fuisse, inde discimus. Estque simul studiose discernendum, num ante aliquot iam dies natus fuerit infans, nunc diiudicandus, quod per signa putredinis dilucidatur, num vero recenter demum exclusus habeatur. In quo posteriori casu non parum iuuat inquinamentorum, quae ab vtero adhaerent, et liquoris amnii quisquiliae sunt, praesentia. Hae nempe puritatem tegumentorum minuunt, et ab aere externo in albidum splendentem quasi mucum conuertuntur, qui tepida aqua adhibita facile solui detergique poterit. Suprema etiam cutis lamina seu cuticula, tunc plerumque firmiter adhaereat et rudiores paullo ferat frictionem, quae, si cito et facillime separatur, non leue putredinis iam incipientis signum est. Siquidem in viuente etiam homine, quod tenerrimorum vasculorum apices eius textum efficiunt, videamus consuetos eosque non leues attritus sine iniuria perferri, a quibus sane in vtero contentus foetus viuus, qui aquis innatans molliter habetur, immunis censetur, ut ea propter iam ante mortem causam aliquam adfuisse, quae huius epidermidis et cutis reliquae nexum turbauerit, iure censeatur. Hanc vero aliam inuenimus nullam, quam quae a defectu nutrientium succorum in acri putredinis natura ponitur. Emolliunt quidem aquae, corpori circumfusae nostro, praecipue si illae tepidae fuerint, prout in lotricibus quotidie videmus et defoedant cutim rugis, sed hunc etiam effectum ab aquis vterinis metuendum non esse, et in omnibus recens natis habenda experientia confirmat, et aeris, quae ad vterum penetrare nequit, absentia et tandem ipsa virium vitalium efficacia. Aliter e contrario sentiendum est de foetibus, in aquas proiectis, ibidemque per aliquot tempus resstantibus, quibus rugosa et flaccida redditur cutis, x totius tamen corporis intumescencia oedematosa non obscure coniicienda causa. Vbi vero tempus, a quo iam



enixus fuit foetus, non latet, ibi simul cum his, si insufficientia visa fuerint indicia, alia combinantur, liuor praecipue, in maculas aliquando latas diffusus, viridescentem vel ex rubro et coeruleo variegatum colorem cutis efficiens, quippe qui non leuiorem, sed iam maiorem, a putredine factam, resolutionis humorum ipsiusque sanguinis fatiscantis corruptelae gradum designat, atque magis docet, recens nati vitam diu extra vterum durare non potuisse, quae iam sui partem antea perdiderit, praecipue, si in vesiculas, sero turgidas, cuticula exfurgat, gangraenae sphacelique accessum manifesto innuentes. Si etiam tunc ex naturali intestini recti orificio, meconium exeat, vixisse in partu foetum non nulli adserunt, quod tamen ad vitam, post natiuitatem actam, cognoscendam nihil facere, cum et mortuis fluat, adstruit HEBENSTREITIVS^k), nisi forte ipsa, de qua alibi exponemus, partium interiorum disquisitio, magnam intestinorum crassorum euacuationem factam fuisse declaret. Vix autem attinet dicere, clausum et concretum ani orificium, vel alios meatus nondum apertos, non vitalem foetum indicare, vt HIPPOCRATES vult, cum huic etiam asserto refragetur medica experientia et illis malis tollendis auxilia praecipiat chirurgia. Maior tandem et confidentior est in totius corporis membrorum proportionem vitalis foetus significatio, quam vero talem adsumimus, vt decens eorum ad se inuicem relatio sit. Licet namque ea ad amissum haberi nequeat, atque in magnitudine aequae ac in reliquis conditionibus diuersarum partium in viuis etiam hominibus innu-mera pene sit discrepantia, communis tamen cognitio, et quam anatome suggerit, quid deficiat, vel supersit, medicum poterit certiore reddere. Adnotentur autem simul ante omnia, quae supra de vitalitate diximus, et quae ad incom-

k) Lib. cit. Sect. II. membr. II. cap. II. §. 31.



incompletam membrorum conformationem pertinent. Leues quidem defectus, vt digitorum coalitus, in manibus forte pedibusque obuios, non curamus, quos alii^{l)} ad imperfectum foetum referunt, cum vnusquisque has partes, similesque deficientes vel mutilatas vitae insidias non struere intelligat. Magis ad conformationem capitis, pectoris, immo etiam imi ventris respiciendum est, collatis ibi reperiundis mutationibus cum illis naturalibus, quas anatomes beneficio medicus nouerit. Sic nimirum ab aquis intus susceptis nimium turgens caput siue hydrocephalus, valde angustatum compressum et vix sufficienter dilatabile pectus, abdominis angustia eiusque nimia breuitas, circa vmbilicum retractio, magis si simul fuerint cuncta haec momenta, vel si seorsim aliqua appareant, aut similia, de vitalitate ambiguum reddunt iudicium. Interim membrorum omnium efformatio perfecta in foetu, cuius naturam solerter exposuit R O E D E R E R^{m)}, ita militat pro vita, vt de illa praesumptio non incerta fiat.

§. VI.

Quam quidem maturitatis et vitae continuandae suspi- ^{p) ex pilis} cionem simul porrigunt capilli et crines, capiti inhaerentes superiori. Mirum quidem est, quod, quum pilorum sedes profunda sit sub cutis infima superficie, ibidemque ex bulbil- lis suis vegetabilium more propullulentⁿ⁾, eos tamen a reliquis, nutritionem sufficientem corporis producentibus, caussis non excitari, sed derelictos quasi diu immutatos persistere, deinde etiam aliquos demum prorumpere, aliis semper adhuc intactis et quiescentibus. Siquidem in natis et recte

l) ZACCH. l. cit. p. 48. LOEW. theatr. p. 24.

m) Diff. de foetu perfecto. Goetting. 1750. in Opusc. medic. Gotting. 1763. 4. editis p. 71. sequ.

n) Naturam pilorum egregie declarat LVDWIG Diff. de humore cutem inungente, Lips. 1748.



recte valentibus pueris observatio doceat, barbam et pubem statò tempore progerminare, vt non incongrue inde perspiciatur, ad incrementum pilorum aliquem requiri corporis vigorem et virium eam mensuram, quae sit superior necessitatibus nutritionis debitae faciendae. Confirmatur id exinde, quod foetus tenellus adhuc suo toto corpore politissimus inueniatur, nec in capite minima capillorum lanugo appareat, et quod vltimis demum mensibus capillitio instruat. Ex quo consequitur, vt, dum natura in reliquis partibus perficiendis occupata est, ea ad has non nisi aliis perfectioribus redditis, deueniat, medicus itaque ex reperi- tis in capite pilis, maturitatis pene terminum et vitalitatis signum dignoscat. Interim, quae in copia seu multitudine, longitudine et colore non raro occurrit diuersitas, singularis notae momentum non est: nimis enim subtiliter argum- taretur, qui imbecillio- rem paucis et breuibus, fortio- rem multis et longis capillis ornatum iudicaret foetum. Adultis sane eadem ratio est, nec robori corporis inde quidquam detrahitur, nisi ab aetate caus- sae quaedam deterio- ris nutri- tionis simul acce- sserint, in primis, quod primum nati in- fantum capilli frequen- tius sensim iterumque cadere solent.

§. VII.

γ) ex vnguibus.

Eadem ratio vnguium est, laminarum scilicet earum cornearum, quae apicibus vtriusque extremitatis digitorum appositae conspiciuntur. Nam et hi ex profundioribus locis enascuntur et ex periostei continuatis fibris promanare dicuntur °). Ea vero est tenuioris et immaturioris foetus conditio, vt licet iam fissa manus et in digitos dirempta, sicuti pes extremus, appareat, obtusus tamen digitorum apex vnguiculos nondum ostendat p). Si paullo maturior euase- rit

o) Conf. LUDWIG de ortu et structura vnguium progr. Lips. 1748.

p) HIPPOCRATES: περί ἐκικυήσιος: de immaturo foetu scribit ἡ σαρξ ὑπερέχει τῶν ὀνύχων. Οἱ δὲ ὀνύχες ἐλλείπουσι τῶν χερῶν καὶ τῶν ποδῶν. Et



rit ille, habet quidem delineatorum vnguium formas, sed molles, flexiles, membranaceos fere, quae duritiem pene corneam vltimis gestationis mensibus demum acquirunt. Caussae, durio rem hanc substantiam compingentes, non satis quidem manifestae sunt, eas tamen ab aere deducendas non esse, suadet illa vnguium durities, quae cornea statim in maturo recensque nato infante, dum ex vtero prodit, detegitur. Vt exinde ad eam praestandam efficiendamque vim vitae non exiguam requiri recte arbitremur, et eos ad perfectioris foetus signa referamus, praecipue, si eos cum cute ita cohaerere videamus, vt quamuis omnia mollia, et cartilaginea pene subsint officula, aliqua tamen ad eos resol- uendos opus sit vi adhibenda.

§. VIII.

Ingens etiam illa, quae a tenerrimo puncto surgenti *d) ex ossibus*, foetui accidit, nutritio, sicuti corneos indurescere facit vnguiculos, ita quoque sensim in ossibus eam, quae duritiem ipsis conciliat, materiam congerit, ita, vt ossificationis historia omnino possit aetatis atque maturitatis foetus signa aliqua exhibere. De his vero nunc differere supersedere possemus, quod ex proposito nobis scopo externas tantum notas diiudicare animus est, et in medicina legali ossium disquisitio minus frequens esse solet. Attamen huius per- scrutationis necessitas ingruit, si forte talis demum offeratur foetus, qui iam per longum tempus sepositus, partes mol- liores omnes putredine resolutas habeat, vt earum indoles plane nequeat disquiri, nec nisi ossa supersint. Quando- quidem ex his solis corpus delicti certum de vita foetus reddi non potest, quin potius ambiguum signum praebeant, sunt tamen in ossibus signa sufficientia de aetate foetus, qui- bus

Et HALLER I. cit. Vol. VIII. p. 423. septimestrem foetum vnguic- ulos nullos habere.



bus edoceatur physicus, num, quem pro abortu excluso venditat rea, cuiusque mors ipsi imputari non debeat, inter eos quoque sit referendus. Sic, vt ex multis tantum capitis mentionem faciamus, centra in ossibus eius iam indurata, ossificationis puncta nominant, reliquo ambitu molli et membranaceo, in immaturo foetu reperiuntur, longa etiam sic dicta ossa extremitates informes, cartilagineas referunt, carpi tarsique ossicula pene omnia absunt, nec nisi punctula quaedam adhuc continent, sternum, nucleis osseis diuisum, apparet, vt reliqua taceamus, quae in his determinandis osteogenia suppeditat ^{q)}). Scrupulosior sane indagatio adhuc plura, neque tamen, si soli huic signo fidere velimus, exceptione maiora argumenta exhibet, quod ex studiose collectis conditionibus ab HOFFMANNO ^{r)}) clarum est.

§. VIII.

s) ex nutritione,

Deinde in foetu ipso nutritionis, ad illud tempus factae, quod spem facit vitae continuandae, ratio ex signis, in habitu corporis externo inueniendis, habetur. De cute supra §. V. diximus. Ea vero, si rugis et sulcis destituta est, vbiuis quasi repleta, egregium nutritionis rite factae indicium praebet. De quo eo minus dubitandum est, quod foetus aliquando, abortu reiectos, trium quatuorque mensium ^{s)}), quos casus excusserat ex matribus, ceteroquin sanis, ita plenos conspeximus, vt turgidi quasi viderentur.

Longe

q) Obuersari potissimum debent animo medici perscrutantis, quae accuratissime exponuntur a BERN. SIGFR. ALBINO in Icon. Off. Fetus hum. Leid. Batan. 1737. 4. et in KERCKRINGII Osteogenia foetuum. Amsteld. 1670. 4.

r) D. WILH. CHR. HOFFMANN disquis. de ossibus fetus. quatenus inferniunt eiusdem determinandae aetati in casu suspecti infanticidii. Francof. et Lips. 1751. 4.

s) In embryo trium cum dimidio mensium, abortu reiecto, qua faciem externam, nitidissime descripto in progr. a G. A. LANG-GUTH Viteb. 1751. *artus superiores et inferiores admodum torosos animaduertit* p. 8.



Longe etiam plures foetui ac nato fontes concessos esse constat, ex quibus nutritio deriuetur. Siquidem non ex bene praeparatis et elaboratarum molecularum congerie onustis succis tantum, iisque a matre aduectis, corpus struitur, sed in suo quoque corpore foetus glandularum quarundam officiis utitur, quae natis nulla sunt, ut itaque facile in eo abundans nutritio fieri debeat, torosus euadat, omniaque membra, nunc natus, rotundula habeat, licet mollities imbecillitatem roboris ostendat. Haec ipsa tamen mollities telae cellulosae, sub cute reperiundae, distentae signum, adipis collectionem factam esse significat, quam a lymphaticis particulis nutritiis deducunt physiologi, quaeque in futuros reponatur usus. Marcor itaque corporis, flaccidus eius adfectus, facies torua, quam ruga senili similis arat, membrorum deficiens repletio, in foetu satis testantur vitam, quae in utero iam ita comparata non fuit, ut euoluendis partibus par sit, eam quoque extra uterum viuenti sufficere non potuisse. Copiosissima quoque, quae in foetu adsunt vascula, et rubicundum externi corporis ubique colorem faciunt, suis destitui sanguineis humoribus per pallorem si docent, debilem vitam manifestant, arguuntque vitalitatis penuriam. Quodsi nihilo minus post partum denatus sit infans, et tunc liuida in superficie stigmata cum his signis obseruentur, tunc cauere debet medicus, ut violentiae adhibitae signa aestimet, quae ex humorum spontanea resolutione nascuntur, euidentius adhuc, si maculae, putredinis testes §. V. deprehendantur. Non possumus tamen non adnotare, constantiora adhuc signa colligi posse, si nempe nutritionis foetus doctrinam plene intelligere velimus, ex statu matris, dum utero gerebat, suumque nutriebat embryonem.



§. X.

5) *ex pondere.*

Haec quoque nutritionis historia sponte nos ducit ad pondus, quod foetui naturale est, considerandum. Incipiamus autem a maturo, per nouem consuetos menses gestato. Qua in re facile quidem largimur, non vnam sed multiplicem varietatem esse debere, idque haud immerito coniici a rerum peritis, quum omnis conditio redeat ad nutritionis in vtero diuersitatem. Nec negamus, robustas, labore induratum corpus habentes, rusticasque matres, ut meliorem praebent infantibus succum, ita etiam prae tenebrioribus, vrbanis et delicatulis femellis, ponderosiores eniti foetus, ut certam ponderis normam inuenire sit impossibile. Inter ea tamen, quod ea foetus incrementi in vtero est ratio, quae ab euoluendarum partium perfectione et ab vteri cedentis resistentiis definitur, quos, si attigerit foetus, fines, in vtero amplius retineri nequeat, sed emittatur, parum utique erit in vitae genere et reliquis conditionibus diuersitatis, quae certum quoddam pondus non admittat. Licet autem inter tot foetuum disquisitiones propter reliquorum signorum sufficientium syndromen mihi eam necessitatem nondum obuuisse ingenue fatear, quae pondus recens nati trutinari absolute exegerit, idque nostrates etiam feminae, aliquando superstitiosae, admittere recusent, tam multae tamen, a ROEDERERO^{t)} factae experientiae, et in maturis aequae ac immaturis foetibus coepae, in centum et tredecim diuersis subiectis, quibus pondus maturi septem inter et octo libras ambigere obseruatur, ut iis adstipulemur, fere nos cogunt. Adnotauit quidem HALLERVS^{v)}, neogenitorum pondus ad nouem, decem, duodecimque libras, quot

t) Diff. de temporum in grauiditate et partu aestimatione, Gotting. 1757. in Opusc. p. 29.

v) Elem. Physiolog. Vol. VIII. p. 372. et p. 416.



quot sint nouem mensium periodicae expensae sanguinis ^{x)}, adcessisse, immo CRANZIVM foetum viginti trium librarum, alium viginti septem reperisse; nec non LOESEKIVS ^{y)} viginti libras et vltra, tanquam naturae conuenientes adsumit, sed hae discrepantiae eo minus inutilem aut ineptam ponderis animaduersionem reddunt, vt potius, si cum aliis conferantur conditionibus, inde satis distinctum euadat de maturitate foetus iudicium. Quod ad eam molem corpus tenellum deuenire non potuisset, nisi ea adfuisset virium vitalium quantitas, quae ad illam sustinendam requiritur et quae porro illam fulcire valet, ita quidem, vt regulam ponat ROEDERERVUS: *Immaturorum foetuum pondera inter quintam sextamue libram media esse, maturorum sex libris raro minora, immo immaturum foetum certa fide non probare sexta libra pondus inferius, sed probabili saltem, et ex comparatis reliquis indiciis limanda.*

§. XI.

Eodem quoque modo de longitudine foetus et certa ^{z) ex longitu-} inde sumenda mensura iudicandum est. Etsi in hac, vt mox ^{dine.} monstrabimus, constantiorem quandam normam obserauerimus, tamen eorum iterum vix euitare poterimus dubitationes, qui, praeter supra adductam hominum discrepantiam, grauidae staturam bene pensitandam esse autumant, quoniam abdominis, quibus coercetur vterus, limites magis extensionem foetus, quam molem eius definiunt. Fauentia quoque huic opinioni aliqua habuimus exempla foetuum, ex ordine naturae natorum, sed exiguorum, quorum vero matres, paullo studiosius examinatae, in partu quidem sanae, tempore gestationis tamen variis conflictatae sunt morbis, sine dubio non adeo egregiae nutritionis et incre-

C 3

menti

x) Sed sanguinis etiam menstrui pondus variare probat alibi. IDEM
Vol. VII. Part. II, p. 145.

y) Physiol. cap. 35, §. 427.



menti auctoribus. Porro staturae diuersitas in gemellis conspicitur, quorum alter magnitudine non raro ac robore alterum superat, et quorum multa notata legimus exempla, ut etiam superfoetationis lubricae hypothese inde argumentum sumi soleat. Staturam a matre patreque deriuandam esse coniicit HALLERVS ^{z)}, quam vtriusque parentis saepe discrepans longitudo vix determinare permittit, si recte sentimus, ni crebrioribus observationibus veritas confirmetur. Longitudinem recens natorum plerumque viginti vnus pollicis esse PETITVS ^{a)} adserit, atque vix decem, supra pedem vnum, pollices maturos foetus attingere ROEDERERVS ^{b)} auctor est, intercedentes etiam differentias ex permultis observationibus collectas definit. Cum quo nostrae etiam conspirant adnotationes, quibus constitit, viginti et vnum, non raro duos, pollices vlnae Lipsicae adaequasse plerosque, aliquos ad decem et nouem accessisse, duos etiam viginti et quatuor pollices pene superasse, hos vltimos autem a rusticis matribus progenitos fuisse. Hoc itaque et ponderis phaenomenon, normam exhibebit, ex qua non plane inanis ad vitae praesentiam neogeniti conclusio fieri potest a medico legali, quod utique vltimis mensibus grauiditatis longitudo minus ac molis augmentum crescat, hinc, quae pede vno et dimidio minor non est, perfectionem evolutionis praesagiat, quae ceteris phaenomenis certior euadat.

§. XII.

*1) ex funiculo
umbilicali.*

Porro, qui primam et vltimam foetui nutritionem liberaliter porrigit, funiculus umbilicalis considerandus est. Succis ille vitalibus, qui ad foetum feruntur, et ab eo recedunt,

^{z)} Lib. cit. p. 424.

^{a)} Hist. d. Acad. Roy. de Scienc[es] a Paris. Ann. 1733. p. 1.

^{b)} Opusc. citat. p. 46.



dunt, irrigatus perpetuo, externis super inductis inuolucris, ita tutus praestatur, vt vasorum licet vario flexu, progressus tamen intus contentorum humorum non impediatur, quamdiu nexus funiculi manet atque placentae in vtero. Si autem eueniat, vt funiculus, restitante adhuc in vtero foetu, rumpatur aut destruatur, nisi breuissimo ante partum tempore id contigerit, valde dubitamus, num superesse diu foetus possit, aut vitam extra vterum vltius durantem recipere, quum reliquae, quae foetum seruare creduntur ab aliis propositae viae admodum sint obscurae et incompetentes ^{c)}. Nec de his quaestio in foro mouebitur, quod foetus sine vmbilicali funiculo natus, ex iam dictis causis merito pro tali habetur, qui matris culpam in se nullam agnoscat. Ex praesente e contrario funiculo semper indicia requiruntur, quae vel de vita in vtero testantur, vel eam post partum adhuc declarant. Longitudinis eiusdem, licet homini inter reliqua animalia maxima sit, diuersa quidem est ratio, is tamen aliquando, si aliena occupet loca, et v. c. collo obtorqueatur, ^{d)}, nec prudenti manu obstetricantis, vt artis est, in partu remoueatur, suffocationis periculum inducere valet. Quare tunc medicus legalis signa, in corpore conspicua, testes antegressae suffocationis, colligere debet, non poterit tamen, si aliunde cognoscatur, parientem solam fuisse, foetumque auxilio destitutum, in matrem culpa sola coniici, quae etiam si cupida, noxam auertere nequiuisset. Ceterum eadem longitudo coueniens motum et incrementum foetus in vtero liberum fuisse denotat, et reliquis signis vitae felicioris adnumerari potest. Gracilis autem, collapsus, et rugosus, qui eam, quae vasa eius intercedit, spongiosam gelatinos-

c) Legi meretur. G. A. LANGGVTH, Diff. de nutritione fetus per solum vmbilicum. Viteb. 1751.

d) HEBENSTREIT Anthropol. Sect. II. membr. II. cap. II. §. 44.



tinofamque substantiam nimis parcam obtinet, aequè ac colore peregrino, flauescente vel nigricante imbutus, magis, si eius quoque tegumenta putredine secedant, vel totus mollis, facile fatiscens, id, quod prae reliquis partibus hic citius fit, reperiatur, in neogenito certum dat, vitae iam ante partum suppressae, indicium, cui adstipulari debent aliae, in corpore obseruandae conditiones. Quod vero in cadauere non effluit sanguis, nisi summa putredine, fermentatione quasi facta, excussus, vacui et sanguine destituti funiculi, cum integritate reliqui corporis animaduersio, vitae etiam post partum testis haberi poterit, si cadaueris dissectio vasorum interiorum vacuitatem significet. In primis, si nimis brevis ab exitu eius in corpore contigerit resolutio, quae in foro praecipue attendi meretur. Quaeritur etiam, an resectus ille vel dilaceratus, nec vinculo constrictus, vitae magis insidias faciat nec ne? In vtramque autem partem multum quidem disputatur ab auctoribus, circumspicte tamen iudicandum esse remur, denuoque monemus, solum hoc signum fidem non facere. Quo longior enim funiculus, omnium minime si cum placenta connexus, generatur, eo difficiliorem haemorrhagiam letalem futuram esse opinamur, nisi nimis praecox, in vegeto foetu, eius separatio tentetur, id, quod etiam stantibus et praecipitem foetum emittentibus, matribus accidere potest. Siquidem vigor circulationis ad has partes sanguinem determinet, libereque eum effundat. Perinde nihilominus est, siue resecetur, siue disrumpatur, vita namque foetus confirmabitur ex his tunc demum, si reliquarum et internarum partium scrutinium suscipiatur simul.

§. XIII.

3) ex *sugillationibus.*

Pergit autem in perquirendo corpore foetus, de vitae certitudine stabilienda sollicitus medicus, ut post mortem apparentia stigmata liuida, rubicunda vel alius coloris, supra



§. IX. adducta, num vitae post partum praesentis vel mortis antecedentis effectus sint, curatius diiudicet. Multum certe interest iustitiae, certa poni, ne insons seueriori sententia grauetur. Quippe quum et nostris temporibus quibusdam, exterioris superficiei a statu sano recedentem mutationem coloris quamcunque vitae nascentis signum offerre, arrideat opinio ^e). Et, licet facile largiamur, in cadauere iam frigido, coagulati sanguinis massam ex vasis exire multo minus ex minoribus exprimi non posse, hinc maculas etiam non excitari: tamen non adeo difficulter veritas elucescet, si alibi iam apparentes putredinis notae affirmant, eas, quae superficiem tantum alieno colore pingunt, nec profunde penetrant, effectus huius causae existere. Quoniam perspicuum est, putredinem, densas solidasque partes destruentem, ad soluendos succos minimaque vascula eo magis aptam fieri, idque eo citius post mortem contingere, si conditiones aliae, vt tempestatis calidioris, foetus sub stragulis retenti, vel similes concurrant. Sed, si rubicundus sanguis, ex vasorum receptaculis emissus, sub cute haereat, eamque in tumorem excitet, tunc serius ea de re cogitandum est. Si enim demortuum demum natum fuisse ponas, in vtero iam sugillationes factae praesumerentur, quod ob vteri amplitudinem, et aquarum circumfusarum defendentium copiam, partiumque mollitiem nullam veri prae se fert similitudinem: si vero in partu ipso excitata esse statuas, tunc non deerunt alia signa, ex quibus certiora intelliguntur. Partui enim difficultates multae obiiciuntur. Fieri itaque inter alia potest, vt caput vel diu impactum haereat in exitu, compressa ergo integumentorum vasa et rupta sanguinem fundant, vel obliquus eius situs sit, id, quod

e) Nihil certi e contrario in hoc genere medicum posse asserere, nimis insufficienter statuit FORTVN. FIDELIS de relat. med. Lib. IV. Sect. V. cap. 2.



quod, si ex matris etiam confessione non constet, ex figura capitis, plerumque elongata, ex faciei tumore, tandemque ex interiorum viscerum disquisitione patefcet. Cautos eam ob cauffam iuniores medicos effe volumus, ne in fectionibus, ob sanguinis, sub capitis integumentis aut sub pericranio praefentiam, violentiae externae testem certum se detexiffe concludant. Idem esto de extrauafato in dorfo et fcapula deprehendendo fanguine iudicium. Eft quidem infallax vitae, in partu adhuc vigentis ^{f)}, indicium, violentiae vero accedentis ambiguum, ad cuius confirmationem pluribus, ex cadauere collectis signis opus eft. In memoriam venit recens nati pueruli, nuper in foro diffecti exemplum, cuius in capitis finiftro latere, ab auribus ad collum vsque plures rubicundae diuerfae magnitudinis maculae detegebantur, immo fimiles thoracis latera ad costarum fpuriarum fedes vsque occupabant, quae, dum ftudiofe corpus abluebatur, non difparebant. Remotis etiam integumentis, in his diftenta vafa occurrebant, nihil autem illius erat effufum. Sub pericranio quoque fupra os bregmatis finiftro fenum, fanguine tinctum, fed parca quantitate, aderat ^{g)}. Vitam foetus in partu adfuiffe negandum non eft, eam tamen extra vterum non continuaffe, fuadebant pulmones fubfidentes, nec a matris culpa foetum periiffe, omnis exterioris laefionis abfentia affeuerabat, turgida etiam et plena cruore omnia confpiciebantur vafa, nec durae piaequae matris et plexus choroidei exceptis. Nimis autem elongatum, compreffumque caput et pectus quoque finiftrofum vehementer obliquum redditum, partum difficilem fuiffe, in exitu foetum ene-

f) Quod pluribus argumentis confirmat H. F. DELIUS in diff. Sugillatio. quatenus infanticidii indicium. Erlang. 1751

g) Serum fanguinolentum fub caluariae integumentis phlegma partu duriore collectum nominat. HEBENSTREIT l. c. §. 43. et LUDWIG Inftitt. Med. forenf. §. 268. feq.



enecantem, ostendebant, vt cum fiducia renuntiari potuerit, mortuum fuisse natum.

§. XIV.

Non solum autem extra vasa subsistens sanguis vitae est confirmatio, sed etiam, si omnis ex vasis effluxerit, vt pallidum corpus nati eodem destitutum occurrat, sine hac id non contigisse, iure censetur. Effluit autem ille per umbilici vasa aut per externa illata vulnera. Haec aequae ac laesiones aliae quaecunque etsi inquirentibus sponte patent, non tamen protinus, an vitam ademerint, manifestum est, praecipue, quodsi per reliquas notas vitae praesentis certitudo nondum est reddita. Sicuti vero in laesionibus inquirendis primo occupatur medicus, ne aliarum partium disquisitione laesi loci mutatio quaedam producat, ita etiam per partium adfectarum cognitionem demum definiet, quantum inter sit vitae integritati harum partium oblata destructio. Sed quis est, quin intelligat, externi corporis indagationem non sufficere, sed ad interiora penetrandum esse. Leuiore certe integumentorum corruptelae, etiam animo occidendi inflictae, vitae durationi nihil detrahunt, immo luxationes, fracturae artuum restitui possunt arte chirurgica, et rarius periculosae euadunt neogenitis, vt iudicis potius, quam medici sit in similium laesionum occasiones inquirere. Vnicum tantum momentum adducemus, fonticuli nempe seu fontanellae, cuius depressionem inter signa illatae vis externae referre solent. Quum enim rhomboidalis ille sincipitis hiatus subiectam habeat nobilissimam cerebri partem, eius sane compressio animales vitalesque functiones debet eo certius delere, quo fortior vis adhibetur. At in mortuo subsidens cerebrum etiam huic loco spontaneam permittit depressionem, quae, nisi iniuriae perpeffae externa signa, vt liuidus



circulus ^{h)}), vel alia occurrant, demum ex ipsius encephali et vasorum sanguiferorum statu penitus diiudicatur.

§. XV.

**) ex calore,
motu post par-
tum et spuma
oris.*

Ab illis nunc signis, quae in mortuis, quos in foro disquirendos ad vitae rationem reddendam habemus, infantibus detegimus, ad ea veniendum est, quae in viuis adhuc conspiciuntur. Sed, paucissima de his dicenda sunt, quod nemo, si circulationem et respirationem videat, de vita dubitet. His eminentibus tamen actionibus non satis distincte apparentibus, ad calorem in mox natoprehendendum, ad motum, ab illo praestitum, et ad spumam, in ore conspicuam, prouocatur, tanquam ad fida post partum viuentis indicia. In illis autem, quae clanculum pepererunt, haec, etiamsi confessae fuerint, tamen dubitationibus obnoxia sunt. Calere namque possunt neogeniti, quibus mox in partu vita adempta est, perdunt autem calorem, viribus internis non sustentatum, ocysime. Deinde in partu iam suffocati, exinio docente ROEDERERO ⁱ⁾), artus quandoque mouent, nec vltius viuunt. Nisi subtilius vitam, profecto imperfectam, dicere velimus, quae in moliminibus sine effectu consistit, quae etiam, si alia signa respondent, ab insuperabilibus in corpore obstaculis mox praepeditur. Spuma tandem, si in vniuersum abest putredinis suspicio, a viscido, natura faucibus inhaerente, sub vel post partum potest excitari. Quare adnotari quidem debent haec, sed ad enucleanda illa phaenomena denuo alia requiruntur subsidia.

§. XVI.

**) ex placenta.*

Crasa tandem, spongiosaque secundinarum pars, quae placenta appellatur, et quam partem foetus nuncupat HAR-

VEVS

^{h)} Exemplum adducit ALBERTI L. cit. P. II. p. 119.

ⁱ⁾ Obseruatt. de suffocatis fetura. Obs. 4. sqq. Opusc. p. 291. sqq. vbi simul reliqua consideranda momenta traduntur.



VEVS^{k)}, vitalitatis documenta praeberere creditur, dum illa vel simul cum foetu sequitur, vel succulenta et turgida occurrit atque magnitudine sua spem facit sufficientium per eam adductorum succorum. In his tamen notis nihil est perpetui. In facili namque aequae ac in difficili partu nunc facilius nunc aegrius secedit placenta, nec non parenchymatis eius massae et magnitudinis frequens occurrit dispar ratio. Si vero in flocculos secedat, mox extracta, vel per partes solvatur et putredo appareat, tunc evidentius sane in ultimo stadio gestationis embryonem male nutritum fuisse indicat, et cum signis deficientis nutritionis in foetu §. IX. conferri meretur.

§. XVII.

Possunt autem, si matris simul copia detur, in eius ^{μ)} *ex puer-* quoque corpore, ad diagnosin vitae foetus probabiliorem *pera.* reddendam, notae quaedam inueniri, quae ad tria genera referre liceat. Alia nempe anamnesticæ signa sunt, de statu sanitatis in graviditate, alia in partu, alia post eum adnotanda. Sed in antecessum monendum esse arbitramur, haec fere omnia mature colligenda esse, quum breui post partum absolutum tempore vel evanescant, vel ad demonstrationem inutilia euadant. Sanam gestationis tempore gravidam communia indicia sanitatis docent, medico suae artis gnaro non obscura. Magna deinde bene valentis foetus praesumptio est, si gravis nec leuioribus quidem, multo minus grauibz conflictata fuerit morbis, si vehementiore animi commotione eam perturbatam fuisse non probetur, si externa corpus eius violentia non affligerit, quae noxam foetui intulerit, si mala corporis, in primis pelvis, conformatio partum difficilem esse debuisse non vero simile reddat, si

k) De Generat. Animal. in additamento de placenta vterina. p. 394. edit. Amsteld. 1651. 12.



tandem illa, ad abortum promouendum, intempestiuus remediis non fuerit vſa. Quum contra, ex praesentibus hisce conditionibus, quarum vestigia tunc vel in corpore parientis supersunt, vel fide dignis testibus corroborantur, praecipue, si neogeniti disquisitio idem declarat, insidias vitae nascentis letales inde affirmare cogamur. Nec minor probabilitatis gradus quidem oritur, foetum recte valere, dum motus in vtero se percepisse non solum, sed etiam successiue intensiores se expertam esse grauida confiteatur, siquidem id naturae consentaneum sit. Ast, quod motus hosce circa gestationis finem defecisse astute plerumque fingunt reae, non poterit rei veritas, nisi ex ipsius foetus perlustratione, luculenta reddi. Euidens quoque partus ipse signum exhibet, si nempe debito et quo maturus factus est foetus, tempore contingit. Hoc itidem ex perfectione illius intelligitur, quae, si etiam seriori, ac solenne est, partu prodeat, eo plenior habebitur. Comparatus autem neogenitus, cum eo, quem puerperae nonnunquam indicant, conceptionis termino, veritati obductam nubem discutiet. Addunt quidem, facilem, quae breui temporis spatio absoluitur, partum, qualis clandestinum partum edentibus non infrequens esse solet, vitam foetus arguere, quod propriis ille viribus motibusque sese expediens eum acceleret, dummodo, abortus aequè subito ac facile generari, immo post mortem matris aliquando foetus excerni, non obstaret. Difficilium autem partuum ea est ratio, vt sine auxilio accedente fieri raro possint, et notis quoque §. XIII. externis dignoscantur. Quod autem post partum etiam singularem in suscipiendis consuetis negotiis puerperae aptitudinem ad diagnosin vitae foetus referunt, eam pari modo non in vniuersum valere iudicamus, quoniam ex abortu et difficili partu eadem ratione nonnullas breui interiecto spatio refocillatas restitui experientia docet, ac alias a facillima solutione foetus grauiter decum-



decumbere. Hinc multum ad corporis puerperae dispositionem et causas accedentes referendum erit. Plus certe in lochiorum natura certitudinis est: haec enim sanguinea, nec peregrini odoris, sine acredine prodeuntia et sensim immutata plerumque viuos subsequuntur; putrida vero, grauiter olentia, dolorem ex erosione partium, per quae delabuntur, excitantia, putrilaginosae placentae particulis simul exeuntibus, emortuos, immo iam putridos foetus. Interim et hi, quatenus opinionem hanc fulciant, ex supra dictis intelligitur.

§. XVIII.

Quae itaque iam exposuimus, ad externam tantum corporis foetus et neogeniti superficiem pertinent, atque generales instituendae disquisitionis notas ostendunt, ex quibus haud difficilis est futurus medici forensis labor, si singularem partium indicia subtilius percurrendo, cum vniuersa oeconomia animali comparare libuerit. Etiam si aliquae ex his solae certitudinem non habeant, eam tamen collectae consequuntur non raro, et tandem fallere amplius non possunt, si simul cum iis conferantur, quae ex perscrutatione interni et dissecti corporis patefcunt, quo demum, quae in foro desideratur, corporis delicti certitudo firmissima euadat. Haec autem momenta ad aliam differre occasionem nunc iubemur.



ILL 24 3